

Broj: 06-03-746-01/54/18
Mostar, 12.09.2018. godine

Na osnovu člana 11., člana 17., člana 19. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 17. i člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), člana 10., člana 11. i člana 12. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za izmjenu i dopunu dozvole za rad (licence) broj 06-03-746/54/18 od 09.08.2018. godine podnosioca zahtjeva „TRGOŠPED“ d.o.o. Kakanj, Ul. Branilaca bb, Kakanj, u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-1142/179/16, Regulatorna komisija za energiju u Federaciji Bosne i Hercegovine – FERK je 12.09.2018. godine na XV redovnoj sjednici donijela sljedeće

RJEŠENJE

1. Dozvola za rad (licenca) za transport naftnih derivata drumskim saobraćajem broj 06-03-1142/179/16 izdata Rješenjem broj 06-03-1142-06/179/16 od 13.02.2017. godine, te izmijenjena i dopunjena Rješenjem broj 06-03-747-01/56/17 od 14.09.2017. godine, imaocu dozvole „TRGOŠPED“ d.o.o. Kakanj mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenca) važi do 12.02.2022. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tački 1. i 2. ovog rješenja.
4. Imalac dozvole je obavezan platiti regulatornu naknadu za 2019. godinu u iznosu od 882,19 KM.
5. Imalac dozvole je obavezan platiti regulatornu naknadu za 2020. godinu i 2021. godinu u iznosu od 1.000,00 KM godišnje.
6. Imalac dozvole je obavezan platiti regulatornu naknadu za 2022. godinu u iznosu od 117,81 KM.
7. Imalac dozvole je obavezan regulatorne naknade iz tačaka 4., 5. i 6. ovog rješenja platiti do 31.01. tekuće godine.
8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Образложење

Dana 09.08.2018. godine FERK je pod brojem 06-03-746/54/18 od podnosioca „TRGOŠPED“ d.o.o. Kakanj primio Zahtjev za izmjenu i dopunu dozvole za rad (licence) u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-1142/179/16, radi dopune sa novom transportnom jedinicom.

Prilikom pregleda potpunosti podnesenog zahtjeva za izmjenu i dopunu dozvole za rad (licence) u postupku izmjene i dopune Dozvole za rad (licence) za transport naftnih derivata drumskim saobraćajem broj 06-03-1142/179/16, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da je podneseni zahtjev potpun u smislu člana 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Obzirom na to da su uz zahtjev za izmjenu i dopunu dozvole za rad (licence) navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 21. Zakona o naftnim derivatima u Federaciji Bosne i Hercegovine odnosno iz člana 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je utvrdio da su ispunjeni uslovi za primjenu odredbe člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Dalje, članom 10. Pravilnika o metodologiji i načinu obračuna regulatornih naknada za imaoce dozvola propisana je dinamika obračuna regulatorne naknade za imaoce dozvola iz sektora naftne privrede, dok je članom 11. istog pravilnika regulatorna naknada za imaoce dozvola za rad (licenci) za transport naftnih derivata drumskim saobraćajem propisana u fiksnom iznosu na godišnjem nivou od 1.000,00 KM, s tim da se taj fiksni iznos u prvoj i zadnjoj godini važenja dozvole preračunava u skladu sa periodom važenja dozvole u toj godini. Članom 12. ovog pravilnika propisano je da će FERK o obavezi iz člana 11. Pravilnika svakom imaoцу dozvole iz sektora naftne privrede izdati pojedinačno rješenje.

Na osnovu obrade Zahtjeva za izmjenu i dopunu dozvole za rad (licence) broj 06-03-746/54/18 od 09.08.2018. godine podnosioca „TRGOŠPED“ d.o.o. Kakanj i dokumentacije priložene uz zahtjev, izvršena je izmjena i dopuna Dozvole za rad (licence) za transport naftnih derivata drumskim saobraćajem 06-03-1142/179/16, radi dopune sa novom transportnom jedinicom. Predmetna dozvola za rad (licenca) je izmijenjena i dopunjena u skladu sa zahtjevom podnosioca, te odredbama naprijed navedenih Zakona o naftnim derivatima u Federaciji Bosne i Hercegovine i Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, s tim da je period važenja dozvole za rad (licencije) ostao nepromijenjen. Postavljeni uslovi uvažavaju potrebu, ali i obavezu „TRGOŠPED“ d.o.o. Kakanj da u rokovima propisanim u uslovima dozvole za rad (licence) za transport naftnih derivata drumskim saobraćajem iste ispuni, u cilju zadovoljavanja propisanih kriterijuma.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Jasmin Bešo

Dostaviti:

- „TRGOŠPED“ d.o.o. Kakanj
- Federalnom ministarstvu energije, rudarstva i industrije
- Kancelariji sekretara FERK-a
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru za finansije
- Sektoru zajedničkih poslova
- oglasna tabla
- a/a